

# 56 rakyat Malaysia masih di Syria

Kumpulan Daesh mantapkan ideologi pastikan rakyat kita tak pulang

Oleh Asrol Awang  
bhnews@bh.com.my

**Pekan:** Seramai 56 rakyat Malaysia masih di Syria, termasuk sembilan yang dipercayai terbabit dengan aktiviti keganasan berada di penjara Al-Hasakah di negara terbabit.

Daripada jumlah itu, 27 orang, masing-masing 10 wanita dewasa, 12 kanak-kanak lelaki dan lima kanak-kanak perempuan berada di Kem Al Houli.

Ketua Penolong Pengarah Bahagian Anti Pengganasan (E8) Cawangan Khas Bukit Aman, Datuk Ayob Khan Mydin Pitchay, berkata berdasarkan maklumat, seorang lelaki dewasa kini berada di Idlib.

Bagaimanapun, katanya, baki 19 orang lagi rakyat negara ini tidak dapat diketahu lokasi iaitu membabitkan sembilan lelaki dewasa, dua wanita dewasa, lima kanak-kanak lelaki dan tiga kanak-kanak perempuan.

"Berdasarkan risikan maklumat daripada Agensi Pelarian Pertubuhan Bangsa-Bangsa Bersatu (UNHCR), keadaan di kem begitu sukar membabitkan golongan wanita dan kanak-kanak.



Ayob Khan (enam kiri) dan Wan Azhar (enam kanan) bersama peserta Bicara Cendekiawan Mulla UMP di Dewan Bankuet Cansoleri UMP, Pekan semalam.

(Foto Asrol Awang/BH)

**Kumpulan Daesh ini meyakinkan mereka bahawa Daesh akan kembali berkuasa.**

**Ayob Khan Mydin Pitchay, Ketua Penolong Pengarah Bahagian Anti Pengganasan (E8) Cawangan Khas Bukit Aman**

nas': Pengaruh dan Ancaman Dalam Negara Bangsa' di UMP di sini semalam.

Yang hadir sama, Naib Canselor UMP, Prof Dr Wan Azhar Wan Yusoff, Ketua Cawangan Khas Pahang, Datuk Mohd Khalid Ismail serta Timbalan 2 Ketua Cawangan Khas (KCK) Risikan dan Operasi Pahang, Asisten Komisiner Daud Omar.

Ditanya tindakan sekiranya mereka kembali ke Malaysia, Ayob Khan berkata, hanya lelaki de-

wasanya yang pulang ke Malaysia akan ditahan dan dituduh ke mahkamah.

Bagaimanapun, katanya, wanita dan kanak-kanak dibuat penilaian khusus menggunakan pakar psikologi dan agama untuk menilai ideologi mereka.

"Kami akan mendapatkan jawapan sebab mereka ke Syria, adakah dipaksa atau ditipu. Jika ada bukti wanita dewasa juga terbabit mereka akan dituduh di mahkamah," katanya.